

天一閣藏明代方志選刊

武康縣志

Z-D56/2002

一九六二年四月上海古籍
書店據寧波天一閣藏明嘉
靖刻本景印原書版框高二
○五公分寬一四·四公分

武康縣志重刻序

夫志何為者也。以備物。垂軌。以
具昭。昭鑒。以述典。明法。古所謂
文獻之可徵者。其惟志矣乎。是
故世道之外。降政治之所。修官
師之淑慝。風俗之淳漓。民物之
息耗。才賢之盛衰。貢賦之盈縮。

咸於是乎有稽焉君子之居官
莊氏立身行法一檢閱間其思
已過半矣然則志可以多作乎
武康古名邑自唐析邑之東南
境更置武源而其地始隘然其
谿山鬱紆風氣淳質視昔蓋多
相遠也針舊當有志而歲久無

聞今所傳者創自近代顧其簡
則失之畧繁則失之誣義例弗
審文采弗章讀者有餘識焉余
不敏承乏斯邑適歲荒民疲之
後百廢廢闕大惧弗克懋迺猷
以忝于廩職是用夙夜圖惟殫
心畢力蓋二載于茲稍覺就緒

間因暇日以志事謀諸兩溪太史氏太史氏幸弗余靳欣然爲之屬筆不數閱月志成余得而讀之見其詳而整辨而核匪略匪誣秩乎有章君子曰是志也廢幾不愧於實錄矣觀法之具致理之規有不在茲也耶雖然

執古以準今緣法以致用取人
以裕己亦存乎有志者自力焉
爾乃若飾虛文循故事漫漶加
省於其心則何取於是矧夫矜
能炫功罔衆徵譽將藉以為自
私之地尤不足信今而傳后也
予於此不能不為之重感焉時

正月原六
刻既成僉謂余當有言庸書此
于首簡以志歲月亦因以自考
云

嘉靖庚戌夏六月既望

賜進士第知武原縣事文林郎
新安程嗣功謹序

武康縣志序

古防風氏國於封隅爲今武康之地攷
之記傳足徵也嘗疑堯舜之世江以南
未盡闢而封國不宜至是及觀禹會塗
山防風氏後至塗山今之會稽豈其地
相近而皆列於荒服之內邪漢以後地
運漸南故其山若增而高水若駛而清
人物土產習俗亦漸以熾逮入 國朝

而武康遂爲浙西巨邑絲續之屬衣被
海內則其他可知已舊時有吳興續志
又有餘英志我朝會粹爲一統志然
皆槩舉湖州一郡而雜書之而武康未
有專志豈非其邑之缺典也哉衡陽易
君來令是邑政事之暇乃倣一統志凡
例摘其事蹟分類而書以爲武康縣志
既又訪其遺跡質之故老補其缺而訂

其謬凡古今沿革人物土產習俗於是咸備其用心亦勤矣旣成將梓以傳介予鄉友來京師請序予惟邑之有志其繫於治非細也而今之爲令者弊弊於簿書期會之間且不暇給安能留意於是且非法令所及若非吏而儒者亦未嘗不笑以爲迂而君以爲首務且其力足以成之不可謂難矣乎夫攷其圖

書興利以養民表其地之先賢以風示
後人皆志之所有亦令之責也君其次
第爲之則尸其地食其報將與志之所
載名宦並垂不朽其寧使是志徒託於
虛文而爲俗吏所嗤笑者乎此予之所
望聊以復於君者君名綱字正道督而
修之者邑丞許君英判簿李君膚而索
予文者鄭君美今爲其邑幕云弘治辛

酉歲春二月上澣之吉

賜進士文林郎雲南道監察御史前翰林院庶吉士莆田陳琳書

武康縣志目錄

卷第一

邑紀

卷第二

星野表

疆域表

秩官表

人物表

卷第三

山川志

風俗志

創設志

卷第四

食貨志

學校志

祀典志

卷第五

藝文志上

藝文志下

卷第六

名宦傳

卷第七

儒林傳

卓行傳

宦業傳

卷第八

文苑傳